

Evening Dogri News Bulletin

10 November 2024 18:15 Hrs

Headlines

- मुखमन्त्री उमर अब्दुल्ला होरें जम्मू-कश्मीर च स्यालै शा पैहले अमरजेंसी तैयारियें दी समीक्षा कीती।
- जम्मू-कश्मीर सरकारै केंद्र शासित प्रदेश च सांझे मुकाबलेबाजी आहले म्तेहानें लेई मेदवारें दी उम्र दा बद्दोबद्द हद गी बदाई दित्ती ऐ।
- किश्तवाड ते श्रीनगर च सुरक्षाबलें आतंकवादियें बश्कार टाकरा जारी।
- उपराज्यपाल होरें श्री कैलख ज्योतिश ते वैदिक संस्थान ट्रस्ट दे दुए गश्ती संस्कृत गुरुकुल गी झंडी दस्सियै रवाना कीता। सिख समुदाय दे प्रतिनिधिमंडलै एल.जी हुंदे कन्नै मलाटी लाई।

<><><><><><>

Winter-Omar

जम्मू-कश्मीर दे मुखमन्त्री उमर अब्दुल्ला होरें केंद्र शासित प्रदेश दे कश्मीर ते जम्मू खित्ते च स्यालै आस्तै कीती जा'रदियां तैयारियें दा कल जायजा लैता। सिविल सचिवालय च जनाब अब्दुल्ला हुंदी प्रधानता च लग्गी दी बैठकें च 2024-25 दी स्यालै आहली रूतै गी दिखदे होई तैयारियें दी समीक्षा कीती गेई। बैठक च मुखमन्त्री हुंदे सलाहकार नासिर असलम वानी, मुख सचिव अटल डुल्लु ते होर दुए आला अफसर शामिल होए। इस मौके मुखमन्त्री होरें गी दस्सेआ गेआ जे अंतर जिला जरनैली शिड़कें, जिला शिड़कें ते शहरें दियें शिड़कें थमां बर्फ हटाने ते रख-रखाव गी किस चाल्ली पहल दित्ती गेई ऐ। एहदे अलावा अस्पतालें, ग्रिड स्टेशन, अग साहलने आहली ते होर दुइयें अमरजेंसी सेवां दे कम्मकाज सने लोडचदियें महत्वे आहिलियें सेवाएं गी यकीनी बनाने पर टकोहदा ध्यान दित्ता जा'रदा ऐ। बर्फीले इलाकें च अमरजेंसी ते सेहत संबंधी जरूरतें ताई सब्सिडी आहली

हेलीकाप्टर सेवा गी तैयार रखे गोदा ऐ। मुखमन्त्री होरें सरबन्धत अधिकारियें गी निर्देश दित्ते जे ओह दूर-दरेडे दे इलाकें च सेहत स्थूलतें गी बेहतर बनाने दे मकसद कन्नै खाली औहदें गी पुर करन। मुखमन्त्री होरें आखेआ जे पैहली बर्फबारी कन्नै गै सहाड़ी तैयारियें दा असल इस्तेयान होग। उनें गलाया जे इक्क बारी जिल्ले योजना घोशित करी दित्तियां जंदियां न ते उंदी असरदार अमल आवरी सब्बनें शा उप्पर होई जंदी ऐ।

<><><><><><>

Age-Limit

जम्मू-कश्मीर सरकारै प्रदेश च सांझे मुकाबलेबाजी आहले स्तेहान देने दे ख्वाहिशमंद सामान्य श्रेणी दे मेदवारें लेई उम्र दी बद्दोबद्द हद गी बधाइयै 35 बरे करी दित्ता ऐ। एहदे शा पैहले एह हद 30एं बरें तगर दी ही। आरक्षित श्रेणी दे मेदवारें लेई हून बद्दोबद्द उम्र दी हद 37 बरे ते दिव्यांग मेदवारें लेई 38 बरे करी दित्ती गई ऐ। नेशनल कांफ्रेंस नै आखेआ ऐ जे इस गैहू दे कन्नै उनें अपना इक होर चुनावी वादा पूरी करी दित्ता ऐ। एन.सी नै सोशल मीडिया मंच 'एक्स' पर लिखेआ ऐ जे सांझे मुकाबलेबाजी आहले स्तेहान लेई उम्र दी बद्दोबद्द हद गी बधाइयै नेशनल कांफ्रेंस दी सरकारै अपना चुनावी वायदा पूरा कीता ऐ।

<><><><><><>

Day-J&K-Encounter

जम्मू-कश्मीर च श्रीनगर दे जबरवान जंगली इलाके ते किश्तवाड़ दे केशवान जंगल च आतंकवाद विरोधी सांझे अभियान चला'रदेन, जिल्ले के उत्तरी कश्मीर दे बारामूला जिले दे सोपोर इलाके च बलें इक्क आतंकवादी गी मारी मकाया ऐ। कश्मीर जोन दे पुलिस प्रवक्ता नै दस्सेआ जे अज्ज बडुलै श्रीनगर दे बाहरले इलाके जबरवान च आतंकवादियें ते सुरक्षा बलें बश्कार टाकरा होआ जेदे च कुसै दे मारे जाने दी खबर नेई ऐ। सेना दी चिर कोर दे प्रवक्ता नै बारामूला जिले राजपुर सोपोर च चला रदे अभियान च कल इक्क बेपंछानू आतंकवादी दे मारे जाने दी तस्दीक कीती। इलाके च तपाशी अभियान जारी ऐ। इस सरबन्धै च होर जानकारी गी बलगेआ जा'रदा ऐ। इक

होर दुए अभियान च किश्तवाड़ जिले दे दूर-दरेडे जंगल च छपे दे आतंकवादियें कन्नै भखे दे टाकरे च सेना दे 4 जवान जख्मीं होई गेन। टाकरा बड़ुलै 11 बजे उसलै रम्भ होआ जिसले सेना ते पुलस दे सांझे तपाशी दलें केशवान जंगलै च आतंकवादियें दा पता लाया। टाकरा उस थाहै थमां किश किलोमीटर दे छिंडे पर ऐ जित्थें वीडिजी नजीर अहमद ते कुलदीप कुमार दे गोलियें कन्नै छलनी लोथां थोइयां हियां।

<><><><><><>

Army-Chief Kathua

सेनाध्यक्ष जनरल उपेंद्र द्विवेदी होरें कठुआ जिले च बने दे सुरक्षा हालात दा जायजा लैता। आकाशवाणी दे जम्मू संवाददाता दी रिपोर्ट मूजब सेनाध्यक्ष हुंदा कठुआ दा एह दौरा जम्मू संभाग च तेज कीते गेदे आतंकवाद रोधी अभियानें दे मद्देनजर लाया गेआ ऐ। ध्यानजोग ऐ जे आतंकवादिएं जंदे वीरवारें किश्तवाड़ जिले च दऊं ग्राम रक्षा गाउँ गी अगवाह करियै उंदी हत्तेआ करी दिती ही। जनरल द्विवेदी होरें कठुआ जिले च तैनात राईजिंग-स्टार कोर दे अगेत्रे युनिटें दा दौरा लाया ते इस मौके उनेंगी मजूदा सुरक्षा हालात बारै जानकारी दिती गेई। सेनाध्यक्ष होरें उत्थे तैनात जोआनें कन्नै गल्लबात कीती ते पूरी निश्ठा ते पेशेवर तरीके कन्नै अपनी जिम्मेदारिएं गी अंजाम देने लेई उंदी सराहना बी कीती।

<><><><><><>

University-Ranking

भारत दे 7 शिक्षा संस्थानें क्यू एस वर्ल्ड यूनिवर्सिटी रैंकिंग एशिया 2025 दे टॉप 100 च थाहर बनाई ऐ। भारत दियें दऊं यूनिवर्सिटयें टॉप-50 च ते कुल 7एं टॉप 100एं च अपने नां गी दर्ज करोआने दा मान हासल कीता हा। इंदे च भारतीय प्रौद्योगिकी संस्थान आई.आई.टी दिल्ली 44मीं थाहरै पर ऐ। शिक्षा मंत्रालय नै इक बयानै च आखेआ ऐ जे इस गल्ला नै साबत करी दिता ऐ जे समूलचे महाद्वीप इच उच्ची सतह दी शिक्षा च भारत महत्वै

आहली थाह् रखदा ऐ। लिस्टै च आई.आई.टी बाम्बे 48मीं थाह् पर ऐ, जिल्ले के आई.आई.टी प्रदास, आई.आई.टी खडगपुर, आई.आई.टी कानपुर ते दिल्ली यूनिवर्सिटी टॉप 100 च शामिल होर दुए भारतीय संस्थान न, जेडे भारत दी तगड़ी शैक्षणिक स्थिति गी साबत करदे न।

<><><><><><>

Canada

भारतीय विद्यार्थियों ताई दूरै तगर असर पाने आहले इक्क महत्वै आहली गैं च कनाडा नै Student Direct Stream, SSD वीजा कार्यक्रम गी बंद करने दी घोशणा कीती ऐ। ध्यानजोग ऐ जे SSD पढाई करने आहले अंतरराष्ट्री विद्यार्थियों गितै इक महत्वै आहला रस्ता ऐ। एहू आखेआ जा'रदा ऐ जे कनाडा च चला'रदी रिहायश ते संसाधनों दी कमी गी दिखदे होई एहू गैंह पुट्टी गई ऐ।

<><><><><><>

ते हुन बाकी दिएं खबरें कन्नै विजय बजाज।

LG-Sanskrit-Gurukul

उपराज्यपाल मनोज सिन्हा होरें अज्ज राजभवन च श्री कैलख ज्योतिश ते वैदिक संस्थान ट्रस्ट दे दुए गश्ती संस्कृत गुरुकुल गी झंडी दस्सियै खाना कीता। इस मौके पर उपराज्यपाल होरें श्री कैलख ज्योतिश ते वैदिक संस्थान ट्रस्ट ते एहदे कन्नै जुडे दे सब्बनैं लोकें गी बधाई दिती। श्री सिन्हा होरें संस्कृत भाशा ते संस्कृत शास्त्रें दे ज्ञान गी फलाने ताई ट्रस्ट दियें कोश्टें दी सराहना कीती। गश्ती संस्कृत गुरुकुल जम्मू-कश्मीर च देववाणी संस्कृत दे प्रचार-प्रसार ताई हर घर च संस्कृत गेहे गेहे संस्कृतम अभियान दा इक हिस्सा ऐं। तोआई सिख कोआर्डिनेशन च इक प्रतिनिधिमंडल नै अज्ज राजभवन च उपराज्यपाल मनोज सिन्हा हुंदे कन्नै मलाटी लाई। प्रतिनिधिमंडलै केंद्र शासित प्रदेश च रौहने आहले सिख समुदाय दे मुद्दें पर लौ पांदे होई अपनियें मंगें दा इक चार्टर पेश कीता। उनें

पात्र सिख आबादी गी पहाड़ी जाति समूह च शामिल करने, पंजाबी भाशा गी बढ़ावा देने ते श्रीनगर च महाराजा रणजीत सिंह हुंदी प्रतिमा स्थापित करने सने होर मंगां श्री सिन्हा हुंदे अगगे रक्खियां।

<><><><><><>

Nagar-Kirtan

श्री गुरु नानक देव जी दे औंदे प्रकाश उत्सव दे उपलक्ष्य च अज्ज उधमपुर दी सिख संगत नै कस्बे च इक शानदार नगर कीर्तन कड़ेआ जेड़ा रामनगर चौक, अस्पताल रोड़, चबूतरा बजार, मुख बजार ते कस्बे शा होंदे होई सुभाशा स्टेडियम च समाप्त होआ। री गुरुद्वारा सिंह साहब पाससेआ कड़ुं गेदे नगर कीर्तन दी अगुवाई गुरु साहब दे 5 प्यारे करा करदे हे। इस मौके नौजोआनें बाबा दीप सिंह अखाड़े दे रिवायती मार्शल आर्ट दा प्रदर्शन कीता। कस्बे गी सनाकड़े ढंगै कन्नै सजाया गेदा हा ते लोकें संगत आस्तै थाहें-थाहें फलें-मठाइयें दा प्रबंध कीते दा हा। इस बारे जानकारी दिंदे होई गुरुद्वारा सिख सेवा कमेटी उधमपुर दे प्रधान यशपाल सिंह होरें आखेआ।

<><><><><><>

Gurmat-Samagam

डेरा दुख निवारण दारा दुल्लियां च मन्ने-परमन्ने दे डेरे दी स्थापना दिवस दे शुभ मौके पर इक शानदार महान गुरमत समागम दा सरिस्ता कीता गेआ। इस कार्यक्रम च बक्ख-बक्ख श्रद्धालुएं हिस्सा लैता। दिन भर चले दे इस धार्मिक कार्यक्रम च भावपूर्ण कीर्तन, गुरवानी पाठ ते मशहूर उपदेशकें आसेआ प्रवचन कीते गे। समागम च गुरु ग्रंथ साहब जी दियें सिक्खेयाएं मताबक अमन-रमानदारी, एकता ते भक्ति दा सनेआ फैलाने पर टकोहदा ध्यान दित्ता गेआ।

<><><><><><>

Karua

रियासी थमां शड़ा 10 किलोमीटर ते कटड़ा थमां 16 किलोमीटर दे छिंडे पर कुदरती खूबसूरती कन्नै भरोची दी थाहर ऐ करूआ। करूआ गां मुख तौरा पर भगवान शिवें दे मंदर ते करूआ झील करियै मशहूर ऐ। इसी अपने आप च पवित्र ते मान्यता पूरी करने आहली थाह मन्नेआ जंदा ऐ। बाबा धनसर बी रियासी जिले च औने आहले श्रद्धालुएं लेई आकर्षक थाह ऐ पर इसी जम्मू दियें सैलसफे आहिलियें थाहें दी सूची च जगह नेई थोई दी ऐ।

<><><><><><>

Organic-Farming

बीएं दा प्रमाणीकरण करने आहले संभाग सतह दे अधिकारी एस.सी.ओ जम्मू होरें कल नगरोंटा दे पंचैत घर पंजगाई व जैविक कुदरती खेती पर इक रोजा सिखलाई कार्यक्रम दा सरिस्ता कीता। वैकल्पिक कृषि प्रणाली तैहत आयोजित कीते गेदे इस कार्यक्रम च पीजीएस इंडिया पोर्टल पर सक्रिय बक्ख-बक्ख जैविक समूहें दे तकरीबन 50 करसानें हिस्सा लैता। तकनीकी सत्र च करसानें गी जैविक खादें ते जैविक कीड़े मारने आहिलियें दोआइयें दे निर्माण दी तकनीक बारै जागरूक कीता गेआ। संभाग सतह पर बीयें दा प्रमाणीकरण करने आहले अधिकारी एससीओ जम्मू प्रेम सिंह होरें 200 करसानें आहले 4 मकामी जैविक समूहें गी स्कोप सर्टिफिकेट सौंपे।

<><><><><><>

Cricket

भारत ते दक्खन अफ्रीका बश्कार चौं मैचें दी टी-20 श्रृंखला दा दुआ मैच अज्ज गकेबेरहा च सेंट जार्जस् पार्क क्रिकेट ग्राउंड च खेडेआ जाग। भारतीय टीम क्रिकेट दे सब्बनं निक्के फार्मेट च अपनी शानदार फार्म गी बरकरार रखना चाहग। शुक्रवार गी खेड़े गेदे श्रृंखला दे पैहले मैच च भारत नै दक्खन अफ्रीका गी 61 रन्जें कन्नै हराया हा। मैच भारतीय समें मताबक रातीं साढ़े 8 बजे थमां खेड़ेआ जाग।

<><><><><><>